



شهید اول «الذکر» کیتابین موقدمه سینده یازیر: ایمام صادق (ع) اؤز لری شخصاً 400 کیتاب یازیبلا.

موتأسیفانه ایمام صادقین کیتابلاری آرادان گئدیب و موختلیف دؤره لرده ضد شیعه جریانلاری طرفیندن محو اندیلیب. تأسوف یئر واری کی رحمتلیق صدیق "من لایحضر الفقیه" کیتابیندا دئییر کی منده ایماملارین ال یازیبسی وار، اما ایندی اھمال و دیقتسیزلیق اثرینده آرادان گئدیب و بیزه چاتماییب. بیز بوردا نجه کیتاب کی ایندی وار و ایمام صادق (ع) منسوب اولور تانیئتدیرا حاقیق.

ایمام صادق (ع) منسوب اولان کیتابلارا کیچیک ایشاره.

آلاھین رسولوندان صلی الله علیه و آله سونرا معصوملارین بقیه سی کیتاب یازار دیلار و اؤز لریندن علاوه صحابه لرینده یازماغا تشویق ائدر دیلر. ایماملارین ایچینده شاید ایمام صادق (ع) اولنلارین هامی سیندن چوخ کیتاب یازیب، نجه کی ایزیلاریندن چوخ حدیث بویروب.

1. "تفسیر جعفر الصادق": "ابوعبد الرحمن سلمی اثر لری مجموعه سی نین" باشلانیشیندا صفحه 21-63 ه جن عیرفانی سیکله بیر تفسیر بیان اولوب کی ایمام صادق (ع) منسوب اولور. بو تفسیری کشیش «پولس نویا» تحقیق و چاپ ائدیب. بو تفسیر چوخ موختصر دیر و فقط توحید سوره سینده جن شامل اولور.
2. "تفسیر القرآن کریم عند جعفر الصادق": بو تفسیر ده ایمام جعفر صادق (ع) نیسبت وئر یلیر و "کتابا الصادق: حقائق التفسیر القرآن و مسباح الشریعه" کیتابیندا دؤکتور علی زبورون ایشرافی این بیروتون عزالدین مؤسیسه سینده چاپ اولوب. بو تفسیر 92 صفحه دیر و فاتحه سوره سیندن دهر سوره سینده جن بیر سئری آیه لری سنچیب ایشاری و عیرفانی تفسیر ائدیب.
3. و 4. ایمام صادق (ع) منسوب اولان "کامل التفسیر الصوفی العرفانی للقرآن" کی بیروتدا دؤکتور علی زبورون تحقیق ایله دارالبراقدا چاپ اولوب. بو کیتابین 272 صفحه سی وار و حقیقته ایکی تفسیره شامیل دیر. بیری قرآنین اولیندن دهر سوره سی نین آخیرینه جن و بیری قرآنین اولیندن ایخلاص سوره سی نین آخیرینه جن.
5. "التفسیر المنتسب الی مولانا ابی عبدالله جعفر بن محمد الصادق علیهما السلام". بو تفسیر ایستانبولون نافید پاشا کیتابخاناسیندا ساخلانیلیر. بو تفسیر 317 صفحه دیر و او بیری تفسیر لرین عکسینه قرآنین بوتونلوگونه شامل اولور.
6. "تفسیر الامام الصادق علیه السلام" هندی پتنا کی دانیشگاه ی نین مرکزی کیتابخاناسیندا دیر کی سید نذر علی رضوی هندی اونو تحقیق ائدیب و ایکی جیلده اؤز دؤکتورا ریساله سی کیمی اوندان دیفاع ائدیب.
7. علی بن ابراهیم قمی هیجری قمی ایلین اوچونجو عصرینده شیعه موحدیئریندن، "تفسیر القمی" آدیندا بیر قرآن تفسیری یازیب. بو تفسیرین چوخ بئزینده «قال» دئییر. و بیر عیده موحتقیق لرین نظریجه علی ابن ابراهیمین «قال» دن منظورو «قال الصادق (ع)» دیر. انله بونا گؤره بو تفسیره "تفسیر الامام" دا دئییرلر.
8. ابن عتایقی تفسیر قمی دن بیر خولاصه حاضیر لاییب کی بیر عیده اونو "تفسیر الامام" تانی ییلار. تفسیر قمی مطلب لری نین چوخو بلکه هامی سی نین ایمام صادق نقل اولماسینا گؤره و بو کیتابین اوندان خولاصه اولماسینا گؤره، بو کیتابی دا ایمام صادق نیسبت وئره بیله ریک.
9. تفسیر قمی دن آیری خولاصه "تفسیر الامام" آدیندا وار کی عنوانی ایمام صادقین (ع) تفسیریدیر.
10. "کتاب مصباح الشریعه" اخلاقی و عیرفانی کیتاب کی علامه مجلسی و ایمام خمینی رضوان الله علیهما کیمی شخصیتلر اونو قطع ی صورتده ایمام صادق دن (ع) بیلیلیر و اعتماد ائدیب اوندان حدیث نقل ائدیبلر.

آیری کیتابلار وار کی اولنلار دا ایمام صادق (ع) نیسبت وئر یلیرلر مثلاً "توحید مفضل"، "رساله اهلیجیه"، "نجاشی یه ریساله"، "بعضی صحابه یه ریساله" و...